



**НИЙСЛЭЛИЙН ХАН-УУЛ ДҮҮРГИЙН
ЭРҮҮЛ МЭНДИЙН ТӨВИЙН
ДАРГЫН ТУШААЛ**

2020 оны 01 сарын 15 өдөр

Дугаар А/05


Улаанбаатар хот

Тасаг нэгжүүдийн халдварын сэргийлэлт
хяналтын баг, халдварын сэргийлэлт
хяналтын сувилагчийг томилох тухай

Эрүүл мэндийн сайдын 2019 оны 11 дүгээр сарын 29-ний өдрийн 536 дугаар тушаалыг үндэслэн ТУШААХ нь:

1. Тасаг нэгжүүдийн халдварын сэргийлэлт, хяналтын багийн бүрэлдэхүүн, халдварын сэргийлэлт хяналтын сувилагчийг нэгдүгээр, багийн ажиллах журмыг хоёрдугаар, халдварын сэргийлэлт хяналтын сувилагчийн ажлын чиг үүргийг гуравдугаар хавсралтаар тус тус баталсугай.
2. Халдварын сэргийлэлт хяналтын багийн гишүүд, халдвар хяналтын ажилтанг удирдлага, арга зүйгээр хангаж үйл ажиллагаанд нь хяналт тавьж, ажиллахыг Төв салбарын эрхлэгч /Д.Цолмон/, Хэвтэн эмчлүүлэх тасгийн эрхлэгч /Б.Шинэхүү/, Яармаг салбарын эрхлэгч /Г.Оюунцэцэг/ нарт тус тус даалгасугай.
3. Тасаг нэгжийнхээ халдвар хамгааллын дэглэмийн үйл ажиллагаанд дотоодын хяналт тандалтыг тогтмол хийж эмнэлгийн тусламж үйлчилгээтэй холбоотой халдвараас сэргийлж ажиллахыг тасаг нэгжүүдийн халдварын сэргийлэлт хяналтын багийн гишүүд, халдвар хяналтын ажилтнуудад үүрэг болгосугай.
4. Тасаг нэгжүүдийн халдварын сэргийлэлт, хяналтын багийн гишүүд, халдвар хяналтын ажилтнуудыг сургаж дадлагажуулан мэргэжил арга зүйгээр хангаж хамтран ажиллахыг халдварын сэргийлэлт хяналт хариуцсан тархвар судлаач /С.Өлзийжаргал/-д үүрэг болгосугай.
5. Энэхүү тушаалын хэрэгжилтэнд хяналт тавьж ажиллахыг эмнэлгийн тусламж үйлчилгээний чанарын албаны дарга /Н.Оюунмэд/-д даалгасугай.
6. Энэхүү тушаал гарсантай холбогдуулан Эрүүл мэндийн төвийн даргын "Тасаг нэгжүүдийн халдварын сэргийлэлт хяналтын баг, халдвар хяналтын ажилтанг томилох тухай" 2019 оны 01 дүгээр сарын 24-ний өдрийн А/10 тоот тушаалыг хүчингүй болсонд тооцсугай.

ДАРГА



Э.БОДЬЦЭЦЭГ

170 70 0020


Хан-Уул Эрүүл мэндийн төвийн даргын
 2020 оны 05 сарын 18-ны өдрийн
 №105 тоот тушаалын 1 дүгээр хавсралт



ТАСАГ НЭГЖҮҮДИЙН ХАЛДВАРЫН СЭРГИЙЛЭЛТ ХЯНАЛТЫН БАГИЙН
 БҮРЭЛДЭХҮҮН, ХАЛДВАР ХЯНАЛТЫН СУВИЛАГЧ

Халдварын сэргийлэлт хяналтын багийн бүрэлдэхүүн			Халдварын сэргийлэлт хяналтын сувилагч
Салбар, тасаг нэгж	Овог нэр	Албан тушаал	Албан тушаалаар
Төв салбар	Г.Цэвэгмид	Сэргээн засах эмчилгээний эмч	Салбарын ахлах сувилагч
	Б.Эрдэнэцэцэг	ЧХХ-н сувилагч	
	Р.Энхтайван	Гэмтлийн сувилагч	
	Л.Уранцэцэг	Шүдний сувилагч	
	П.Оюунжаргал	Ариутгалын сувилагч	
Яармаг салбар	Х.Болор-эрдэнэ	Их эмч	Салбарын ахлах сувилагч
	Д.Баасансүрэн	ДОХ/БЗДХК-ын сувилагч	
	Ж.Долгормаа	Шүдний сувилагч	
	Т.Нарантуяа	Тарианы сувилагч	
	В.Цэнгэг	Аж ауйн нярав	
Хэвтэн эмчлүүлэх тасаг	Ц.Гэрэлт-Од	Их эмч	Тасгийн ахлах сувилагч
	Саруултуяа	Их эмч	
	Э.Мөнгөнсэлэнгэ	Сувилагч	
	С.Өлзийбаяр	сувилагч	
	Х.Гантуяа	Нярав	

Хан-Уул Эрүүл мэндийн төвийн даргын
2020 оны 09 сарын 09 -ны өдрийн
#105 тоот тушаалын 2 дугаар хавсралт



ТАСАГ НЭГЖҮҮДИЙН ХАЛДВАРЫН СЭРГИЙЛЭЛТ ХЯНАЛТЫН БАГИЙН АЖЛЫН ЧИГ ҮҮРЭГ

1. Халдварын сэргийлэлт, хяналтын чиглэлээр гарсан ЭМЯ, НЭМГ,ЭМТ-ийн тушаал, заавар журмуудыг мөрдөж хэрэгжүүлэн ажиллана.
2. Тасаг нэгжийнхээ үйл ажиллагааны онцлогт тохирсон ЭТҮХХ, ХСХ-ын төлөвлөгөөг боловсруулан тасаг нэгжийнхээ дарга эрхлэгчээр батлуулан хэрэгжүүлж ажиллана.
3. Тасаг нэгжийн хэмжээндээ халдвар хамгааллын дэглэмийн байдалд ЭМС-ын 2019 оны 537 дүгээр тушаалаар баталсан заавруудын үнэлгээний хуудсыг ашиглан дотоодын хяналт тандалтыг хийж илэрсэн зөрчлийг тухай бүр нь засуулах арга хэмжээг авч үр дүнг тасаг нэгжийнхээ эмч ажилчиддаа танилцуулна.
4. Тасаг нэгжүүдийн эмч эмнэлгийн ажилтны ХСХ-ын мэдлэг, дадлыг сайжруулах аян, сургалт сурталчилгаа, үзүүлэх сургууль зэргийг дотооддоо зохион байгуулна.
5. ЭТҮХХ-аас сэргийлэх асуудлаар тасаг нэгжийнхээ эмч, эмнэлгийн мэргэжилтэн, ажилтнуудад ЭМТ-ийн ХСХА-тай хамтран сургалт зохион байгуулж, мэргэжил арга зүйн зөвөлгөөг авч ажиллана
6. Амбулаториор үйлчлүүлэгчид болон хэвтэн эмчлүүлэгчдийн дунд ЭТҮХХ-ын тандалтыг ЭМС-ын 2019 оны 539 тоот тушаалаар баталсан заавар журмын дагуу тандалтын хуудсуудаар тандалтыг хийж халдварыг эрт илрүүлэн мэдээлж, холбогдох арга хэмжээг авч ажиллана.
7. Нянгийн тэсвэржилттэй уялдуулан нянгийн эсрэг эм, бэлдмэлийн зохистой хэрэглээг төлөвшүүлж ажиллана.
8. Тасаг нэгжээр үйлчлүүлэгчид, тэдний ар гэрийнхэнд шаардлагатай мэдээлэл зөвлөгөөг өгч, үйлчлүүлэгчийн мэдээллийн нууцлалыг хадгална,
9. Тасаг нэгжийн эмч эмнэлгийн ажилтныг халдварт өртөх эрсдэлээс сэргийлэх арга хэмжээг авч өртөлтийн дараах сэргийлэлтийн анхны тусламжийн цомгийг ажилбартай кабинет, нэгж бүрт байршуулан бэлэн байдлыг хангуулан ажиллана.
10. Тасаг нэгжийн хэмжээнд шаардлагатай байгаа эмнэлгийн багаж, хэрэгсэл, тоног төхөөрөмж, ариун цэврийн материал, хувийн хамгаалах хувцас, хэрэгслийн тооцоог гаргаж ЭМТ-ийн ХСХА-нд өгнө.
11. Тасаг нэгжийнхээ эмч эмнэлгийн ажилтныг урьдчилан сэргийлэх үзлэг, шинжилгээнд хамруулах, шаардлагатай тохиолдолд эмчлэх, эрүүлжүүлэх ажлыг зохион байгуулна.
12. Олон улсын эрүүл мэндийн дүрмээр зохицуулагдах халдвараас эмч эмнэлгийн ажилтнуудыг хамгаалах, уг халдвар илэрсэн тохиолдолд авах арга хэмжээний талаар сургалт, сурталчилгааг зохион байгуулж, мэдлэг дадал олгох ажлыг тасаг нэгжийн хэмжээндээ зохион байгуулан хийнэ.
13. Тасаг нэгжийнхээ эмч эмнэлгийн ажилтныг халдвараас сэргийлэх зорилгоор шаардлагатай дархлаажуулалтанд тухай бүр нь хамруулж дархлаажуулалтын нэгдсэн бүртгэлтэй байна.
14. Тасаг нэгжид дадлага хийж байгаа оюутан, дадлагажигч эмч дадлага хийх хугацаанд халдварт өртөхөөс сэргийлж байгууллагын болон тасаг нэгжийн дотоод журам зааврыг танилцуулж, мөрдүүлнэ.

15. Ажилд шинээр орж байгаа эрүүл мэндийн ажилтанд тасаг нэгжийн хэмжээнд мөрдөн ажиллах халдвар хамгааллын дэглэмийн талаар болон мэргэжлийн эрсдэлт хүчин зүйлсийн талаар санамж, зөвлөгөө өгнө.
16. Тасаг нэгжийнхээ хэмжээнд цэвэрлэгээ хийх журам, цэвэрлэгээний хуваарийг боловсруулж тасгийн эрхлэгчээрээ батлуулан хэрэгжилтэнд хяналт тавина.
17. Тасаг нэгжүүдийн тусгай хог хаягдлын менежментийн үйл ажиллагаанд ЭМС-ын 2017 оны 505 тоот тушаалаар баталсан заавар журмыг мөрдөж байгаа эсэхэд хяналт тавьж ажиллана.
18. Шинээр ажилд орж буй эрүүл мэндийн ажилтныг ажлын байранд гарахын өмнө халдвар сэргийлэлт, хяналтын сургалтад хамруулж, мэргэжлийн эрсдэлт хүчин зүйлсийн талаар санамж, зөвлөгөө өгч байна.
19. Эрүүл мэндийн ажилтан цусаар дамжих халдварын эрсдэлд өртсөн тохиолдлыг бүртгэж сэргийлэлтийн арга хэмжээг авч ажиллана. ЭМТ-ийн халдвар судлагч эмчид мэдээлнэ.
20. Эмнэлгээр үйлчлүүлж, буй иргэд үйлчлүүлэгчид, тэдний ар гэрийнхэнд халдварт өртөх, эрсдэлээс сэргийлэх чиглэлээр холбогдох мэдээлэл зөвлөгөөг өгнө.
21. Хэвтэн эмчлүүлэгчид болон мэс ажилбар хийлгэх үйлчлүүлэгчдийг өөрсдийнх нь хүсэлтээр вируст гепатит В, С, D, ХДХВ илрүүлэх шинжилгээг хийсэн байна.
22. ЭМС-ын 2019 оны 539 тоот тушаалын 1-р хавсралтаар баталсан зааврын дагуу сар бүр "Хүснэгт 1"-ийн дагуу ЭТҮХХ-ын тандалтын мэдээг, "Хүснэгт 2"-ын дагуу ЭТҮХХ-ын сэжигтэй тохиолдлыг, "Хүснэгт 3,4"-ын дагуу өртөлт, дундаж хатгалтын мэдээг тухайн тасаг нэгжийн ахлах сувилагч гаргаж дараа сарын 5-ны дотор ЭМТ-ийн халдвар судлагч эмчид өгнө.
23. Халдварын сэргийлэлт хяналтын чиглэлээр удирдах дээд байгууллагуудаас ирүүлсэн заавар зөвлөмжүүдийг хэрэгжүүлэн ажиллах ба шаардлагатай мэдээ судалгааг хугацаа харгалзахгүй тухай бүр нь гаргаж өгнө.

Хан-Уул Эрүүл мэндийн төвийн даргын
2020 оны 01 сарын 15 -ны өдрийн
1/05 тоот тушаалын 3 дугаар хавсралт

**ХАЛДВАРЫН СЭРГИЙЛЭЛТ, ХЯНАЛТЫН СУВИЛАГЧИЙН АЖЛЫН
ЧИГ ҮҮРЭГ**

ХСХ-ын сувилагчийн ажлын зорилго: ЭТҮХХ-аас сэргийлэх, тохиолдлыг эрт илрүүлэх, хариу арга хэмжээг шуурхай хэрэгжүүлэх замаар үйлчлүүлэгчдэд аюулгүй, чанартай тусламж, үйлчилгээ үзүүлэх.

Ажлын үндсэн зорилт:

- 1) ХСХ-ын чиглэлээр мөрдөгдөж буй хууль, тогтоомжийн биелэлтийг хангуулах, хяналт тавих
- 2) ЭТҮХХ-ын тандалт хийх, эрт илрүүлэн мэдээлэх, хариу арга хэмжээ авах
- 3) Эрүүл мэндийн ажилтныг халдварт өртөх эрсдэлээс сэргийлэх арга хэмжээг авах

Үйл ажиллагааны үндсэн чиглэл:

I үндсэн зорилтын хүрээнд:

1. Тасгийн ХСХ-ын хөтөлбөр, төлөвлөгөөг хамтран хэрэгжүүлэн ажиллана
2. ЭТҮХХ-ын эрсдлийг бууруулах, сэргийлэх, хянах, тасгийн эмч, эмнэлгийн ажилтны оролцоог дээшлүүлэх арга хэмжээ зохион байгуулна.
3. Эрсдэл өндөртэй ажилбаруудыг хянах хуудсаар шалгадаг байна.
4. ХСХ-ын чиглэлээр хийгдэж буй ажлын тайланг цаг тухайд нь гаргах, тасгийн эмч, ажилтнуудад танилцуулах, эмнэлгийн тархвар/халдвар судлаачид хүргэнэ.
5. Тасгийн эмч, ажилтнуудын:
 - 5.1. Гар угаах, халдваргүйжүүлэх
 - 5.2. Хувийн хамгаалах хувцас, хэрэгслийг зөв, зохистой хэрэглэх
 - 5.3. Хурц үзүүр, иртэй багаж хэрэгсэлтэй зөв харьцах
 - 5.4. Цусаар дамжих халдвараас сэргийлэх
 - 5.5. Багаж хэрэгслийг угаах, халдваргүйжүүлэх
 - 5.6. Ариутгах, халдваргүйжүүлэх бодисыг найруулах, хэрэглэх асуудалд хяналт тавьж, хэрэгжүүлнэ.

II үндсэн зорилтын хүрээнд:

1. ЭТҮХХ-ыг илрүүлэх тандалтыг ЭМС-ын 2019 оны 539 тоот тушаалаар баталсан зааврын дагуу хийх, мэдээлэх үйл ажиллагааг холбогдох эмч мэргэжилтнүүдтэй хамтран хийх
2. Үйлчлүүлэгч болон тасгийн эмч, мэргэжилтэнд ЭТҮХХ-аас сэргийлэх мэдээлэл өгөх, сургалт зохион байгуулах
3. ЭТҮХХ-аас сэргийлэх дэглэмийн зөрчил, алдаа дутагдлыг бүртгэх, арилгуулах арга хэмжээг авах

III үндсэн зорилтын хүрээнд:

1. Тасгийнхаа эмч ажилчдыг дархлаажуулалтанд хамруулах, эрүүл мэндийн байдалд хяналт тавих, үзлэг, шинжилгээнд хамруулах үйл ажиллагаанд идэвхитэй оролцуулна.
2. Эрүүл мэндийн ажилтан цусаар дамжих халдварын эрсдэлд өртсөн тохиолдлыг бүртгэх, мэдээлэх, өртөлтийн дараах арга хэмжээг авч ажиллана.